



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

Dubium I. De varijs nominibus & appellationibus primæ personæ, nimirum
Patris, quæque sit eorum nominum vis & significatio.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

DVBIUM I.

De variis nominibus & appellatiōnibus primae personae, nimirum Patris, quæque sit eorum nominum vis & significatio.

S.Thom. 1.p.q.33.a.4.

2 Postquam de personis diuinis in genere, earumq; processione; ac de relationibus, notionibus, originibus, seu actibus notionalibus, ac proprietatis personarum actum est; pauca restant hac quæstione de diuinis personis in specie tractanda; tamen si à S.Thoma sex quæstionibus hac de re agatur, seclusa etiam personarum missione, quæ per modum quasi actus aut passionis, sive proprietatis cuiusdam certis etiam tantum quibusdam personis conuenit, vt dicetur. Quod vero ad præsentem dubitationem attinet, tria sunt nomina, quæ primæ personæ tribui solent: Primum est nomen *Principiū*; secundum nomen *Patrī*; tertium nomen *Ingeniti*: cum quibus nonnullam affinitatem habent, nomen *initi*, *authōrū*, & *cavē*, de quibus sigillatim agendum.

3 Assertio I. Prima persona, in sanctissima Trinitate, recte vocatur Principiū ceterarum personarum. Ita passim loquuntur Patres, & Concilia; & recte docet S.Thomas quæst. 33. a. 1. Ratio est. Quia Principiū nihil aliud significat, quam id, à quo aliquid procedit: *omne enim, inquit S.Thomas, a quo aliquid procedit quorunque modo, dicitur esse principiū, & ē conuersus.* Curo ergo Pater sit, à quo procedunt, alia personæ, sequitur Patrem esse eorum Principiū. Quo sensu etiam Augustinus lib. 4 de Trin. c. 20. dixit, Patrem esse principiū totius Deitatis; hoc est, omnium personarum procedentium Eodemq; sensu è Dionysius cap. 3. de diuin nom. ait, *solum Patrem esse fontē supersubstantialis Deitatis.* Quia tamen ea locutiones improprie sunt, siquidem Deitas ipsa non habet Principiū, non sunt extendenda, sed modo explicato commode intelligenda. Neq; tamen Principiū nomen notionaliter acceptum ita proprium est filius Patris, vt non etiam Filius sit principiū Spiritus sancti: quare etiam Patres nonnunquam ad distinctionem vtriusq; principiū, Patrem vocant *principiū sine principio*; Filium autem *principiū ex principio*; vt notauit S.Thomas q. 33. a. 4. licet quandoq; etiam per Antonomas ab absolute soli Patri hoc nōmē tribuatur: quo modo Athanasius orat. cont. gregales Sabellii dixit, *Quiduo Principia (nimirum prima & non subordinata) introducit, is duo Numinia predicat.* Loca vero Scriptura, in quibus Filio nomen principiū tribuitur, retulimus q. 1. dub. 3.

4 Assertio II. Accipiendo idem nomen Principiū essentialiter, pro principio creaturæ, sic & que omnibus & singulis personis diuinis commune est. Ita omnes Doctores & Patres. Et patet ex Scriptura sacra. Apocal. i.v. 8. *Ego sum Alpha & Omega, Principiū & finis.* Et vero nomen Principiū hoc modo de utroque principio notionali, & essentiali, nec pure æquiuoce, nec vniuoce, sed analogice, ac prius de principio notionali prædicari; neque ideo

personas diuinas appellandas esse *principiatas*, diximus quæst. 2. dub. 1. Omitto specialium locorum expensionem, in quibus diuinis personis principiū nomen tribui nonnulli existimant, quæ videri possunt apud Vasquez disput. 139. & commentatores Scripturæ.

Assertio III. Nomen Patris in diuinis itidem duobus modis accipitur; notionaliter scilicet, & essentialiter: priori modo proprium est primæ personæ: posteriori modo conuenit toti sanctissimæ Trinitati, adeoque omnibus & singulis personis; seu quod idem est, Deo vt Deo. Ita Sanct. Thomas cit. quæst. 33. art. 2. Probatur prima pars ex dictis q. 1. Si quidem solam primam personam generalem Filium, huncque solum esse verum & naturale Filium Dei Patris, probauimus quæst. 1. dub. 3. Sed & Paternitatem esse personalem proprietatem, immo formale principium constitutum primæ personæ, dictum quæst. precedente dub. 6. Qua de causa etiam hoc nomen significare *relationem vi subsistentem in diuina natura*, docet S.Thomas q. 39. a. 2.

Secunda pars, idem nomen accipi essentialiter, cum habitudine ad creaturas; pater ex Scriptura passim, vt cum dicitur, *Pater noster*; & *Pater misericordiarum*. &c. Quo modo nomen Patris analogum est ad vitramque Paternitatem; sicut & nomen filii de naturali filio Dei, & filii per gratiam, solum analogice dicitur. Et ratio est: quia ratio filii, quæ requirit natura similitudinem perfectam, simpliciter & perfecte solum reperitur in naturali filio: malis autem non nisi secundum quandam analogiam. *Dicitur enim Deus*, inquit Sanct. Thomas articulo tertio. *alcius creaturæ Pater*, propter similitudinem vestigii tantum, vt pote irrationalium creaturarum, secundum illud Job. 38. v. 28. *Qui est plusus Pater?* aut *qui genuit filias roris?* *Alcius vero creaturæ*, scilicet rationalis, secundum similitudinem imaginis, secundum illud Deuter. 32. v. 6. *Nempe ipse est Pater tuus, qui possedit, & fecit, & creavit te.* Aliorum vero est Pater secundum similitudinem gratiae; qui eriam dicuntur filii adoptiū, secundum quod ordinantur ad hereditatem aeternæ gloriae, per manus gratia acceptum, secundum illud Rom. 8. v. 16. *Ipse spiritus testimonium reddit spiritui nostro, quod sumus filii Dei;* si autem filii, & baredes. Aliorum vero secundum similitudinem gloriae, prout iam gloria hereditatem poscent, secundum illud Rom. 5. v. 2. *Gloriamur in spe glorie filiorum Dei.* Ita Sanct. Thomas articulo tertio. Plura testimonia vtriusque Testamenti, in quibus Deus vocatur Pater etiam creaturarum, retulimus quæstion. 1. dubio 3.

Assertio IV. Nomen Patris per prius dicitur in Deo notionaliter respectu Fili naturalis, quam essentialiter respectu creaturarum. Ita S.Thomas q. 33. art. 3. ex communī; Probatur & declaratur assertio ex S.Thomas ibidem. Intelligitur enim assertio non solum de prioritate durationis; cum Deus ab aeterno sit Pater naturalis Fili; non autem creaturarum: nec solum etiam de prioritate dignitatis; quia relatio Paternitatis ad naturalem Filium, cum sit realis, præstantior est Paternitate ad creaturas: nec etiam de ordine solum quasi naturæ, respectu ipsarum rerum, quæ significantur; quo modo attributa Dei communia seu essentialia & absoluta prio-

ra sunt notionalibus: at verò communia, quæ dicunt habitudinem ad creaturas ex tempore, sicut nomen Pater, & nomen Dominus, aut etiam æternam, sed liberam, vt nomen præscientia & prædestinationis, natura posteriora sunt notionalibus; sed etiam secundum ipsam significationem & appellationem nominis Paternitatis, quæ principius & perfectius cernitur in Paternitate notionali, quam essentiali & communi: siquidem prima persona proprie & simpliciter est Pater naturalis filii; noster autem Pater solum improprie & secundum quid, vt dictum.

Affertio V. Proprium etiam nomen Patris est esse ingenitum. Ita S. Thomas quæst. 33. a. 4. Probatur & declaratur affertio ex eodem. Tribus enim modis hoc nomen accipi potest; primum ut sit idem, quod increatum, quo modo omnibus personis conuenit, vt ex Damasceno lib. 1. fid. c. 1. notat S. Thomas q. 33. artic. 4. ad 3. Secundo, pro sola negatione seu quasi priuatione vniuersitatem processionis, quæ generatio dicitur; quo sensu hoc vocabulum etiam conuenit Spiritui sancto, qui non per generationem, sed per spirationem à Patre Filioque procedit, quo modo locutus etiam videtur Augustinus lib. 5. de Trinit. cap. 6. & 7. Tertio stricte accipitur hoc nomen pro persona, quæ nullo modo ab alia persona procedit; & hoc modo est proprium nomen Patris, exprimens scilicet alteram eius proprietatem, sive notiōnem, quæ *Innascibilitas* dicitur. Sicut enim Principium primum in creatis dupli modo innotescit, tunc postiue aimur, quod ab illo sunt alia, tunc etiam negative, quod ipsum non est ab alio; ita etiam ratio primi principii in Pare, tunc per positivam proprietatem paternitatis, tunc per negationem Innascibilitatis seu Ingeniti innoscit, vt optime docet S. Thomas q. 33. a. 4.

9 Et quamvis initio SS. Patres hoc nomen Ingeniti, Græce ἀγένητος sive ἀγέννητος non adsererint, eo quod labēreticis Anomais & Arianis callide introductum, suspicam aut etiam nullam habere significationem; quasi aut solum negationem creationis, aut vniuersim negationem generationis in Deo significaret, vt videre est apud Athanasiū in Dialogo Orthodoxi & Anomai, & in epist. de decretis synodi Nicæna, & orat. 2. cont. Arianos, & Basilium lib. 1. cont. Eunomium; postea tamen significatione nominis melius perspecta, ad supradictam Patris notionem denotandam eo nomine sæpe & libenter usi sunt, vt videre est apud Basilium lib. 4. cont. Eunom. cap. 2. Augustinum lib. 5. de Trinit. cap. 7. Gregorium Nazianzenum orat. 38. in sancta lum. Iustiniū in exposit. fid. Cyrillū lib. 1. thesauri cap. 2. 3. & 4. & Damascenū lib. 1. de. fid. cap. 9. vbi tamen notat, apud Græcos aliter scribit nomen, cum denotat *Increatum* (quo sensu Athanasius in epistola de synodis Arim. & Seleuc. id nomen etiam filio tribuit) aliter cum significat, nullo modo procedentem ab alio; nam priori modo scribitur ἀγένητος, cum simplici litera N, posteriori vero cum duplice ἀγέννητος.

10 **Affertio VI.** Nomen Ingenitus, prout Patris est proprium, formaliter & expresse solam negationem significat: Ita contra Bonaventuram in 1 d. 28. q. 1. quem sequitur Vasquez d. 140. c. 3, expresse docet

S. Thomas cit. a. 4. ad 1. & Scotus in 1. d. 28. quæst. 2. art. 1. cum aliis post Augustinum lib. 5. de Trinit. cap. 7. Ratio est. Quia alias non satis distingueretur ab aliis notionalibus Patris. Ea negatio etiam à S. Thomas cit. artic. 4. ad 2. vocatur *priuatione*, non quasi sit negatio formæ in eo subiecto, quod aptum est ad eam formam; sic enim diceret imperfectionem; sed quod sit negatio formæ, quæ in alio simili subiecto eiusdem naturæ apta est inesse; putat in Filio, & Spiritu sancto; vt cum S. Thomas loco citato docent etiam Durandus in 1. d. 28. quæst. 1. Capreolus q. 1. a. 1. Torres, aliquie Thomista q. 32. a. 3. & Vasquez disp. 140. cap. 3.

Addit S. Thomas ad 3. nomen Ingeniti ad relationē pertinere, & relative dici; non hoc sensu, quasi positive aliquam relationem significet, sedeo modo, quo negatio reducitur ad genus affixationis; vt non homo ad genus substantiæ; & non album, ad genus qualitatæ. In quem sensum etiam SS. Patres speciatim Gregorius Nazianzenus orat. 3. de Theolog. & alii Græci palliū contra Eunomium & Ariū contendunt, eo nomine non significari substantiam, hoc est, essentiam; cum sit nomen notionale, & proprium persona, vt dictum, non essentiæ & commune. Secus est, si loquamur de vocabulo Ingeniti, in alia significatione, prout id est, quod *Increatum*; sic enim plane est nomen essentiæ & commune; quod proinde etiam hoc sensu secundum substantiam dici, docet S. Thomas cit. q. 33. a. 4 ad 3. quia ratione essentia communis est omnibus personis, vt dictum.

Affertio VII. Cum nomine principij affinitatem quidem et quādam habent nominacay, auctoray, & iuray; sed quæ tñ non promiscue omnia de Patre prædicantur. Probarū & declaraurū affirmino. Nam nomen causa, iuxta propriū & consuetū modū loquendilatinæ Ecclesiæ, Patri, aut diuinis personis prædictentibus alias, non conuenire, suffusū clū q. 2. dub. 1.

Nomen & appellatiōnem *Authoris Elī*, Patri tribuit Hilarius lib. 4. de Trinit. camque vocem admittunt Cajetanus & Torres q. 33. a. 1. Vasquez disp. 139. cap. 6. & expresse etiam S. Thomas in 1. d. 28. quæst. 1. art. 1. & hic quæst. 33. art. 4. ad 1. vbi ait: *Fontalitas & auctoritas nihil aliud significat in diuinis, quam Principium originis: Quo modo etiam Hilarius lib. 2. de Trinit. dicit, à Pare & Filio auctoribus confunduntur spiritum sanctum: tamen S. Thomas cit. loc. sent. dicat, solum Patrem dici auctorem filii; nimirum quia nulla alia persona per se sola auctor alterius persona dici potest; adeoque nec Filius per se solus auctor Spiritus sancti; sed bene Filius simul cū Patre, per modum vnius principii, quod vt sic à nullo alio principio est, aut dependet: licet hac de re paulo aliter differat Vasquez disp. 139 cap. 6. vbi notat Phæbodium lib. cont. Arianos post medium, qui habetur tom. 5. Biblioth. sacra, Patrem appellasse auctorem sine auctore. Sane rei aliquid uis auctor, quem Græci αὐτεργός & αὐτερνή dicunt, is solum proprius dicitur, qui per seipsum suog, artificio & inventione aliquid perficit, nō qui dependenter aut mox ab alio priori. Eodemq; sensu secundum prioritatem originis Patres aliqui, præsertim Græci, Patrem nonnunquam vocarunt *maorem filio*, vt videre est apud Athanasiū orat. 2. cont. Arian. Basilium lib. 4. cont.*

Eunomium, Gregorium Nazianzenum orat. 35. siue 3. de Theolog. Damascenum lib. 1. de fid. cap. 4. Omitto Originem homil. 2. in diuersos; quos ex Latinis etiam imitatus est Hilarius lib. 9. de Trinit. De qua redictum etiam supra q. 1. dub. 8.

¹⁴ Nomen autem *Inuitu* nec Patri, nec ceteris personis diuinis tribuendum est. Quia ea vox propriis significat principium durationis, ut docent Magister, & alii Scholastici in 1. d. 29. Quo modo etiam Hilarius lib. 4. de Trinit. & Concilium Toletanum XI. item Concilium Wormatiense in Confess. fid. dicunt, *Filiu natu sine initio ante secula, seu ab aeterno;* tametsi Bonaventura in 1. d. 29. a. 1. q. 1. ad 2. dicat, initium posse sumulacioni significacione, ut significet etiam principium, à quo aliud procedit. Vbi autem Micheæ 5. v. 1. de Messia seu Filio Dei dicitur, *Et egressus eius ab initio,* vocula haec non denotat Patrem, sed idem est, quod, antequam quicquam fieret, seu ab aeterno, ut mox ibidem declaratur, & recte notauit Vasquez disp. 13. 9. cap. 1. Atq; haec de vocabulis & appellationibus Patris latiss. Cetera qua ad ipsius personam pertinent, speciatim de Relatione, & Notione Paternitatis, deque proprio & formaliter constitutuuo eius persona, satis dictum est q. præced. dub. 1. 5. & 6.

D V B I V M II.

De variis nominibus & appellacionibus secunda persona, seu Filiu; quaq; sit eorum ratio ac unus.

S. Thomas 1. p. q. 34. & 35.

¹ Tria quoq; sunt nomina magis usitata, quibus secunda persona sanctissima Trinitatis exprimi solet; nimirum *Filius, Verbum, & Imago Patris;* quibus addi potest *sapientia* vocabulum; de quibus sequentes assertiones cum S. Thomas cit. q. 34. & 35. breuius statuimus.

Assertio I. Secunda persona diuina est verus, proprius, ac naturalis Dei Filius. Hanc supponit S. Thomas ex q. 33. a. 3. & est extra controversiam apud Catholicos. Ratio sumitur ex dictis dub. præced. cum de vocabulo Patris ageremus, quod relatiue dicitur ad Filiu; vbi etiam notauimus, nomen Filiu analogice solum commune esse naturali Filio Dei, & creaturis. Idem contra Arianos probatur ex scripturis & Conciliis, ut dictum q. 1. dub. 3. & quest. 2. dub. 7.

Assertio II. Secunda persona recte etiam dicitur Verbum Dei, siue Patris. Ita S. Thomas cit. q. 34. a. 1. & certa ac communis omnium Doctorum, contra Alogianos veteres, qui reiuentes Verbum in diuinis, simili etiam reiuerunt Euangeliū & Apocalypsin S. Ioannis, teste Epiphanius hæresi 51. & Augustino de hæres. hæresi 30. Patet assertio ex Scriptura, & SS. Patribus, ut dictum eit. q. 1. dub. 3. & q. 2. dub. 1. & est apud Orthodoxos extra controversiam. Ratio est; quia Filius per intellectum, ac per ipsam intellectuonem procedit, ut cit. q. 2. dictum.

Assertio III. Filius vere ac proprie est ac dicitur

Verbum. Ita S. Thomas cit. q. 34. a. 1. & communis Doctorum in 1. d. 27. contra Origenem in cap. 1. Ioann. vbi dicit, Verbum metaphoricè dici in diuinis; quem S. Thomas q. 34. a. 1. ad 1. fontem Ariorum vocat: & contra Durandum cit. d. 27. quest. 3. vbi docet, Verbum in diuinis propriè dici *essentialiter*; Filio autem sola similitudine & appropriatione quadam, reuera tamen improprie tribui, eo quod formaliter per intellectum non procedat. Quæ sententia merito ab omnibus temeraria censetur; quam nos etiam refutauimus supra quest. 2. dub. 2. Vnde etiam sumitur ratio. Quia Verbum, uti habet communis Philosophorum & Scholasticorum Theologorum sententia, propriè dicitur conceptus mentis intelligendo exp̄lūs; seu quod id est, ipse terminus actionis intelligendi, ab intelligenti procedens, & in ipso intellectu inexistens; quæ omnia conueniunt Filio Dei. Quod si, ut Augustinus existimat in lib. 15. de Trinit. cap. 15. Verbum non esset quicquid actus intelligendi quasi in factō esse; sed certa quædam solum & determinata notitia veritatis; ne sic quidem negari posset, Filium propriè dici Verbum, ut patet, cum notitia Patris, qua producitur Filius, sit omni ex parte perfectissima.

Addit Sanct. Thomas citat. quest. 34. artic. 1. post Augustinum, seu quisquis est autor lib. de cognit. vera vitæ cap. 14. & Damascenum lib. 1. de fid. cap. 18. Verbum tribus modis dici propriè; nimirum Verbum mentis, Verbum oris, & Verbum imaginationis, quod vel est ipsum verbum oris imaginatione conceptum, ut sentire videtur S. Thomas; ex Augustino lib. 15. de Trinit. cap. 10. aut conceptus imaginarius rei, quem proprie etiam Verbum dicit existimat Vasquez cit. art. 1. in Comment. ratus etiam imaginatum potentiam, ut pote aliquo moderationis influxum participantem, cogitando seu imaginando loqui; non autem cæteras potentias sensituas.

Nec dubium est, quod docet S. Thomas loc. cit. ex Augustino 15. de Trinitat. cap. 11. & cum eodem Scholastico communiter in 1. d. 27. Vocabulum Verbi magis principaliter conuenire Verbo mentis, quam verbo vocis; quicquid nonnulli apud Torrem questione vigesima septima articulo primo dixerint, Verbum *mentis* improprie solum, & metaphorice dici Verbum; & quicquid etiam è contrarie dixerit Durandus d. 27. quest. 2. num. 27. Verbum propriè solum dici de conceptu mentis; de voce autem metaphorice; cum uti vocabulum locutionis & dictionis propriè etiam impositum est ad locutionem vocalem, ita etiam vox verbi ad verbum vocale, ut recte Vasquez loc. cit.

Assertio IV. Verbum in diuinis propriè acceptum, est nomen personale seu notionale tantum, ac propriū secundæ personæ; non absolutum seu essentialie. Ita S. Thomas cit. quest. 34. artic. 1. & communis Doctorum ibidem & in 1. d. 27. contrariantes quasdam sententias quorundam Scholasticorum. Prima est Durandi relata assert. præcedenti. Secunda est S. Thomas in 1. d. 27. quest. 2. art. 2. Capreoli ibidem art. 1. Ferrariensis 4. cont. gent. c. 13. & fere Gregorii de Valentia hic quest. 8. pun. 1. qui docent. Verbum in diuinis accipi propriè tam essentialiter, quam notionaliter. Satis enim pu-